

Regulae tres de inuocatione.

I. In petitione quarumcunque rerum oportet praelucere fidem, quae accipit promissionem gratiae. II. Etiam amissis omnibus bonis corporalibus et cum vita corporis certo amittenda est, tamen retinenda est promissio gratiae et vitae aeternae. III. Non est praescribendum Deo tempus aut modus liberationis. 5

Cur inuocatio saepe multumque est exercenda?

Primum propter gloriam Dei, II. propter nostram et ecclesiae salutem, III. propter eruditionem et sapientiam spiritualem augendam, IIII. propter consolationem, V. vt diabolis hanc Gorgonem objiciamus, VI. vt precatio sit confesio discernens ecclesiam ab alijs sectis. 10

Recita formam precationis dominicae.

[94:] [Holzschnitt: Jesus lehrt die Jünger das Vaterunser^h (Lk 11,1–4)] Pater noster, qui es in coelis, sanctificetur nomen tuum, adueniat regnum tuum, fiat voluntas tua sicut in coelo sic et in terra. Panem nostrum quotidianum da nobis hodie et remitte nobis debita nostra sicut et nos remittimus debitoribus nostris et ne nos inducas in tentationem, sed libera nos a malo, quia tuum est regnum et potentia et gloria in saecula saeculorum. Amen. 15

Quis est ordo seu dispositio orationis dominicae?

[95:] Constat oratio dominica exordio, narratione et epilogo.

^h Nicht in A, E.